


橘黃醫談

上

OF  
418  
v.1





橘黃醫巫談

上



蘇黃齋集

上



橘黃鑿談卷上

尾臺逸士超著

鑿藥之方其來也尚矣何者以民生不可一日闕爲也、在昔聖王之治天下也、必先立利用厚生之道、又作禮樂刑政、所以使斯民保性命正風俗終其天年者、可謂備且尽矣、然至疾疢橫大、禮樂刑政不可得而濟也、是醫藥之所由作也、故雖小道也、其於性命蓋莫切焉、是以雖夷蠻無道之邦、至醫藥之方、各有法存焉、豈非其以充切于民生乎、賈長沙曰、古之至人不居朝廷、必隱於醫卜、范文正





公曰、達則為良相、不達則為良醫、夫醫小技也、雖  
然、民生安危存亡係焉、故自非君子人、焉得為司  
命之任、以與化育之贊乎、人而無恒、不可以作巫  
醫、夫子之言、豈不信夫、  
曹昭云、閔門者古方三年、知天下無病不可治、及出  
而用藥治病、知古今無方可用、斯言誠然、世之學  
醫者、動輒謂吾方已博、吾術已熟、起死回生、何難  
之有、既而猝遇危重困之疾、方與術俱窮、茫洋不  
知所出、始知醫之不易也、夫以耆為御者、不盡馬  
之情、閔門者古方、越人按圖說燕耳、是以為醫者、



雖學窺天人方具古今非深智優文以出之素習  
精鍊以運之能回之鬼藉者鮮矣學者豈可不盡  
心乎

張仲景起於漢李醫方敗壞之後挺然超脫時習博  
哉前古之方法躬親試之病者而後載之簡策以  
貽于後世其方法簡明言論精確疾醫之道詳且  
盡矣今之所傳雖非舊物苟去攝入訂錯落就古  
言而覽之則其舉脉症以論陰陽表裏寒熱虛實  
視之治法者條理整齊旨義明晰洵濟世之大典  
也、在吾醫門宇宙間第一書吾知其海內世不磨



滅也、豈不貴乎、

昔者周之盛也、周公立官制、設醫職、以療養民之疾、已有其職、則方治之備、益可知矣、如周禮之書、雖非無可疑、古言古義、可得而概見矣、洎世降道衰、古法漸廢、而邪術起焉、神仙老生之術、道家修養之法、溷入吾醫、陰陽五行、補虛益氣之說、充塞乎宇宙、風習漸移、雖卓絕之士、不能必其窠窟、殆二千年矣、及東洞先生超脫從前之弊、凡以闡明長沙之道、三代之遺術、得再行乎今日、實先生之力也、故予以為先生之功、不在于仲景之下者、



大已貴少彥名二神、如創医道、雖事属渺茫、五史所  
錄、足以徵降臻中古、思邈孫氏之書、早傳于此、尚  
時医法、其詳不可知、而其通之盛、亦何容疑、保平  
以還、諸道陸遲、如吾医法、殆近乎熄焉、慶元以來、  
奎運隆盛、無論儒流、至方術之徒、俊才英物、彬々  
然躋蹟而出、其術雖不能脫素靈雜經、宋明諸家  
之範圍、亦各有所發明、唯至長沙之鄉、則未矣、獨  
吾東洞先生、負賢明離倫之才、奮厲激發、以興二  
東十年湮沒之道、於散帙蠶簡之餘、出乎類、拔乎萃、  
優入長沙之堂奧、其著書之覈實、門業之蕃滋、誰



得嫌隆抗盛耶、真曠古之人傑也哉、

東洞先生、負卓絕之資、屈起于百代之下、袒述越人、  
憲章仲景、排斥晉唐以來虛妄泛雜之論、以一新  
海內、其功不大乎、夫有非常之人、而後有非常之  
事、有非常之<sup>度</sup>而後有非常之功焉、雖然、非常者常  
人所異且懼也、故方其始也、莫不疑且怖、以為狂  
妄、先生確乎立志、不憂世之異懼、而憂道之不明、  
不患人之不信、而患術之不精、黽勉不輟、遂開古  
醫法之正路、它日道行于天下、良有以也、傳曰、篤  
信好古、守死善道、其先生之謂歟、



東洞先生曰、万病唯一毒、衆藥皆毒物、以毒攻毒、去體安、始無益損於元氣、何補云乎哉、而世医好言補者、蓋主精之心使之也、彼豈不知補之無効哉、今夫世俗不知医、曰補則喜、曰攻則懼、医而好言補者、是以容悅事人也、可耻之甚、医道之禍莫大於徼利、医道之訣莫先於守廉、戒之慎之、若有拈一補字以媚世者、非吾嗣也、非吾徒也、

又曰、死生者命也、自天作之、其唯自天作之、医爲能死生之哉、故仁不能延、勇不能奪、智不能測、医不能救、唯因疾病致死、非命也、毒藥所能治已、蓋死



生者、醫之所不與也、疾病者、醫之所當治也、故余  
常曰、盡人事而待天命、苟人事之盡、豈得委於命  
乎、是故術之不明、方之不中、而致死者、非命矣、執  
古之方、體今之病、能合仲景之規矩、死者命也、質  
諸鬼神、吾無愧爾、世醫動輒預定其死生、按其意  
謂、斃於吾手、則害于名矣、間有一二中者、益信其  
臆不爽也、夫察声氣色、臆其死生、周官所命也、豈  
不可乎、雖然、察之以臆、臆之以臆、使其生者、輒編  
之鬼籍、恕乎末手、以待其斃、是豈仁人之用心乎、  
故既臆其死、猶且盡吾術、以望其或生、古之通也、



然而不生、然後可謂命也、已矣、唯重其名、故唯賤其死、不能忘死、生於執刀圭間、所以惑也、唯重其仁、故唯賤其生、所以世醫所謂死者、間有起者也、故曰、死生者、醫之所不與也、

又曰、方者、莫古於仲景、而仲景為傳方之人、非作方之人也、蓋身為七沙太守、博集群方、施之當時、以傳後世、而其書具存焉、故用古方者、先讀其書、方用可知、然後藥能可知也、未知方用、焉能知藥能乎、雖然、未知藥能、則方用亦不可知也、況方意不可解者、甚多矣、蓋雖仲景、亦或有不解者、雖則或



有不解者、而昔人所傳、既用有驗者、又奚容疑焉、  
降至千金外臺書、方劑不古者居多、其可取者不  
過數方而已、概多味者可疑矣、世有欲以數柔兼  
治數症者、自謂無不中也、亦唯暗投瞑行也已、學  
者思諸、

又曰、醫之處方也、隨證以移、惟其於同也、藥病一方  
惟其於變也、一毒藥方、故鷄壅豕零時為帝也、董  
及桔梗、互為宰也、奇乎正乎、縱橫取舍、醫師之術  
也、世人善讀此語、治疾之道、思過半矣、

家大人嘗謂逸曰、疾醫之道、易學而難得、易知而難



行蓋其為道平易簡明、絕無駁雜奇異之方、亦無迂濶怪誕之法、故易學又易知也、雖然、苟非思慮深遠、技術圓熟、不曉死生者、不能與于此、是以難得難知也、可謂至言矣、

張仲景、吾道之鼻祖、百世所宗祀、而事蹟不明、殊為可憾、烏傷寒論序、署曰、長沙大守南陽張機、然後漢書三志、并無傳、則不能無疑、且建安之時、劉表牧于荊州、僭偽稱制、自立官守、而不奉漢室之命者、十數年、漢不得復置大守也、如其文亦多可疑者、是世醫所以嘖々聚訟也、以余觀之、如序



文之真贋、事蹟之顯晦、不必深論、唯善讀其遺策、  
沉研尋繹、而有得、則萬病之治、可運諸掌上焉、此  
之謂踐履之學、此之謂有用之學、

傷寒論自序、為後人假託無疑、而姑存之、亦且以為  
考據之餽羊矣、山田正診從千金方刪訂、又據醫  
史、建安作建寧曰、建寧、後漢靈帝年號、紀年紀以  
為年號也、醫史曰、張機字仲景、後漢靈帝時、舉孝  
廉、官至長沙太守、由是觀之、舊本作建安者、蓋傳  
寫之訛已、若夫建安獻帝年號、與感往昔之文不  
合、又考後漢五行志、自建寧四年、至光和二年、相



去僅九年、大疫三流行、與所謂未十稔之文、合如符節、可見其稱傷寒者、果是天行疫疾無疑、否則未十稔之間、何以至於病且死若斯已甚乎、故千金方引小品方曰、傷寒是雜士之辭、天行溫疫是田舍間語耳、外臺天行門、亦引許仁則曰、此疾方家呼為傷寒是也、李氏之說、雖難遽從、書以俟後攷、

山田正珍傷寒考、記張仲景事蹟、搜羅殆盡矣、然率好事之詭談、虛構之詐說、徒足以供話柄耳、南陽府志載、張仲景先生祠墓記、募建張醫聖祠序、其



事雖難盡信亦足資于攷古宜一覽焉

仲景見王粲一事皇甫謐何顓唱之於前趙閱美李  
濂和之於後至今嘖嘖多人口然其事奇異不  
可信蓋亦妄意推尊欲神其技以傳世耳太平廣  
記測滙類函亦載此事然二書之作專以博採為  
務固多不可信據者至說郭所載虞汝明古琴疏  
則怪誕極矣

仲景傷寒雜病論為三五兵火之餘殘缺失次晉王  
叔和詮次以傳然已非其舊物顧其間微言大義  
斷非必多矣是蓋一大害也自後分編改題不一



而止、自宋以降、如林億校定成無己注解、徐鉉校  
刊、王三陽傷寒綱目、吳肖愚匯統正脉、趙瀕常仲  
景全書、方九龜傷寒論條辨、喻嘉言尚論編、程郊  
清傷寒後條辨、張隱庵傷寒論集注、張路玉續論  
痰天來溯原集、王肯堂證治準繩、乾隆御纂醫宗  
金鑑等、解釋論辨、其旨趣各不同、然要不過陰陽  
經絡榮衛府藏之說耳、蓋漢醫之學、無不以素靈  
為根柢、以此臨仲景之籍、其不得本旨、不亦宜乎、  
山田正珍曰、仲景所著傷寒雜病論合十六卷、蓋主  
傷寒立論、附以雜病者也、然其書散佚不少矣、王



氏叔和得殘缺之餘、按次以傳、林億等所謂韞林  
學士王洙於嘉簡中得者、是也、某題曰金匱玉函  
要略方者、後人推尊之美名耳、先是好事者分取  
其傷寒部重成十卷以行、乃今傷寒論是也、及林  
億等校王洙所得之本、以其傷寒部大与傷寒論  
同而重餘多缺略、故獨取其雜病以下校定、以成  
三卷、乃今金匱要略是也、故金匱之與傷寒、本是一  
書、所謂傷寒雜病論是也、王肅外臺秘要、金匱  
之所載、以為傷寒論者、亦由此已、其不云傷寒雜  
病論者、省文乃爾、犹引千金要方云、千金引病源

侯論云病源數亦以其主傷寒立論故也耳

又曰叔和之撰次傷寒論也、有釋原文者、有據其說者、有以三四字若十餘字加入原文者、玉石磊砢、淄澠閹淆、失其本色者、久矣、雖然、觸數據例、參伍考之、文字雅俗、法方邪正、煥乎有差別、又何患其瞶亂乎、是予之所以為刪定也、庶幾使來學不眩叔和之妍矣、

又曰金匱要畧者、蓋難病論之遺也、然為叔和撰壞、遂失真面目、其可信用者、十中之三四耳、

又曰今之所傳傷寒論、不啻失仲景氏之舊、亦失叔



和之舊、脫簡衍文、紕繆錯亂、愈遠而愈失其真、至其甚、則有涵以雜病之文者、如大易篇風濕條、少陰篇下利便膿血條、厥陰篇下利嘔噦諸條是也、所謂下利便膿血桃花湯主之、熱利下重白頭翁湯主之、皆今之痢病也、下利差後、至其年月日復發者、亦豈以傷寒言之乎、此數頗多、不可不擇也、又曰厥陰篇亡而不傳矣、叔和患其欽文、神以四章、所謂厥陰之為病消渴云々、厥陰中風云々、厥陰病欲解云々、厥陰渴欲飲水云々、是也、後人復患其淺畧、拾取其畧畧者、附以雜病之文、何以知其

然也、蓋厥陰者、陰之極、至深而至急者也、其文雖缺、以意揅之、四肢厥逆、煩躁吐利、脈絕欲死者、固不待言、如少陰篇所收吳茱萸湯、通脈四逆湯、正是也、而今厥陰云々、四章、无一及此者、其非仲景之舊、可知也、玉函經、僅舉此四章、以充厥陰一篇、而不及下利嘔噦諸條、豈非叔和真面目乎、其下利有微熱、以下至嘔噦等條、皆金匱之所載、非傷寒之文也、豈非後人拾取其散落者、附以雜病之文字、

又曰、辨脈法、平脈法、傷寒例、辨毫汗、吐下篇、並係叔



和之補入、

又曰、症濕暍者、雜病也、不宜在傷寒部內、况金匱之所具條乎、

又曰、症濕暍霍亂等、屬雜病者也、而傷寒論中、並收之、可見今之傷寒論、分取傷寒雜病論、以成編者也、

又曰、世有仲景全書玉函經者、其父与傷寒論大同小異、間有益于參考者、是亦古之好事者流、分取傷寒雜病論、以成編者已、林億等金匱要畧序曰、先校定傷寒論、次校定金匱玉函經、宋史藝文志

曰、張仲景金匱玉函八卷、王叔和集、皆指此書而  
言、平安烟惟和字、柳安者、著斥醫師論、此書曰、今  
坊間所刻玉函經、清陳世傑伯樞、以欺夫小子、毫  
瀝之徒、已望三吳、醫官玄稿亦曰、近歲有玉函出  
焉、不能無疑、博雅君子自辨真贋、吁、二子何疑、玉  
函之甚、以上諸說是正、珍融合前人之說、廁以自  
已所見者、其論甚佳、

山服東洋、天資豪邁、學識深邃、傲然睥睨一世、痛斥  
晚近醫學、著醫師一篇、以古醫道自任、予以時堂  
讀之、已知其為豪傑、頃者莫肥之暇、再取讀之、益



歎才量之優、學識之卓矣、以弱嘯庵跼蹐、尚且推  
服其德量、古槁汗流、敬奉其教、亦足見東洋之韻  
度、

杏川秀庵、負超拔之資、學醫於後藤良山、受學於伊  
賀東涯、唱儒醫一本之說、著書教誨、仍餘言充  
為該洽、其辨破古今醫法之偽妄、抉剔摠擊、不假  
餘力、議論痛快、且以啓迪後進矣、然其於仲景猶  
弁髦視之、曰無一書一人可祖述憲章、故不得不  
自吾作古、何自許之大過、今熟讀其書、而弗攻之  
於仲景之道、未有所契也、世見其翻雕傷毫、雜病

論、以爲寶崇奉仲景者、以不究其說之歸宿耳、  
繼于東洞先生而起者、永富嘯庵山縣柳莊是其選  
也、其著作不啻文辭通勁、立論成說、多前人所未  
有、學者善讀其書、而究旨趣之所存、於處療之方、  
太有裨益、

獨嘯庵之爲人、倣儻魁偉、以經世自任、如醫業、固非  
本色、如漫遊雜誌、囊語等、足以見其器局學術焉、  
天假之年、其造詣有不可測者、不幸早歿、惜哉、  
獨嘯庵曰、學道志也、行醫業也、不以志廢業、不爲業  
棄志、予亦不勉、業不可不精、爲古之人有抱道



而隱於耕溪之間者、乃以其憂天下之心、為憂五未  
耜不利之心、以其思人民之情、為思五經五不密之  
情、居五然而耕、得五然而溪、然豈曾一日忘天下  
乎、故與夫乘風雲之會而顯其績、得水旱之遇而  
成其功者、其蹟雖異而其志則同矣、夫子不言乎  
不患莫己知、求為可知也、夫事迂於所不歷、昧於  
所不知、非徵之於己以自信者、惡得施之於人而  
能成乎、

又曰、今世學古、醫道之達、奉師僅不過一二年、其中  
未有所得、乃翻歸家鄉、偶遭遇順境、痊得痼疾、

人則振拔自豪、以為人無復我加矣、遂侮弄甘遂、  
巴豆、誤治誤人、躬隨巡迴、則遽若老狗、觸兒、垂首  
搖尾、乞憐於朝市之人、從前集毒之茶裏、翻為糧  
榮、益氣之樓、宅、何其多特操也、

又曰、凡百技始乎巧、終於拙、必乎思、入於不思、故巧  
思極則神妙、〓〓則自然、〓〓者不可以巧思得、  
不可以歲月到、不可離巧思而得、不可外歲月而  
到、

又曰、世医動謂傷寒論之於外邪、天下莫以尚焉、至  
于雜病則未必然、嗚呼、卑〓我夫、傷寒有万病、万



病有傷寒、迴互參究、始可能治傷寒、亦始可能治  
萬病、故傷寒之爲書、極證之變化、以盡其治法、萬  
病自顯列其中、乃雖雜病、亦豈有尚焉者乎、是以  
學者、苟能研究底蘊、一握驪珠於此中、則治術之  
大本自立、而千金外臺宋元遠邇之瑣言家說、亦  
皆爲我使用、猶正統一定則九夷八蠻悉奉其正  
朔也、

東洞先生曰、陰陽者天地之氣也、無取於醫矣、如表  
裡爲陰陽、上下爲陰陽、猶可笑、至如朱丹溪陽有  
餘、張從賓陰有餘之說、穿鑿甚矣、後人執兩家之

中、以爲得其所、謂子莫之中耳、其他如六經陰陽不可強爲之說、非唯無益於治、反以惑人、學者思諸、

又曰、五行之說、已見虞書及洪範、下至漢儒熾言之、素問雜經、欲由是以總天下之衆理、窮人身之百病、說之若符契然、雖然要皆論說之言已、今執其說、施之七術、則致謬千里、是吾黨所以不取也、後人增演其說、以誇窮理、可謂多聞之徒也已、

又曰、五運六氣者、無驗於病也、考司天在泉、權大過不及、定寒熱溫涼、按主病試應脈者、無有其驗、可



謂迂矣、要是陰陽家之言、妄取於疾病醫藥、

縣周南曰、天純陽、地純陰、人生中間、稟中和之氣、所謂保合大和是也、人与天地殊也、不可論以陰陽、而多名則言不衍、故姑假陰陽以標其名已矣、實猶酒之於水穀、酒者水穀所成、而酒豈可以水穀論哉、

縣柳莊曰、易云、立天之道曰陰與陽、立地之道曰剛與柔、立人之道曰仁與義、夫陰陽者、天之極也、昔者聖人作易、畫奇以象天、畫耦以象地、於是乎有卦爻焉、於是乎有象焉、觀其所由者、唯是西人相

判有天斯有地、有生斯有死、左右向背、晝夜昏明、  
一統之陰與陽、有儀刑焉、有標準焉、以通幽明之  
故、以極死生之變、故言陰陽者、惟易爲至矣、及百  
家衆技之流興也、莫不藉以爲其說焉、而刀圭之  
術、素欲以視不可見、而識不可知、事茫乎無有  
津涯、洋乎無有端緒、則亦不能不藉以爲其說、而  
表裏內外、氣血府藏、緩急差劇、補瀉宣導、一以爲  
陽、一以爲陰、而後證可得而見焉、而後治可辨而  
施焉、是醫之所以藉陰陽也、至于素樞之書作也、  
專主張其說、旁及五運六氣、九宮八風圖書法範、



鐵緯星曆卦氣歲終之數、無不取以為其說者、而  
為辨為辯、罔難不可窮焉、是以後世医流唯理之  
窮、唯數之推、而區々終身於雕虫之役者、比々皆  
然、秦漢以來千有餘年、滴々不反、降及宋元、此弊  
益甚、自彼儒家之所修、与道士之所崇、莫不悉存  
焉、而佛老申韓儀秦鄙牧之所為、亦皆以為已任、  
而遂至自遺為治病之術、以格物窮理為事、何其  
愚之甚耶、夫道不同、不相為謀、儒自儒、佛自佛、易  
自易、詩自詩、律正聲音、曆推歲氣、五運六氣、九宮  
八風、以窮天地之變、陰陽五行、孤虛旺衰、以通造

化之妙、彼自有其道、而此竟不與焉、吾已則五味  
五色除疾、養精、兩之以九竅之要、參之以九藏之  
動、藏以刺之、灸艾以炳之、使人無虧損、延年、則  
醫之能事畢矣、若夫天時寒燠、地氣燥濕、則其切  
於身者、固不待之理、與否、而虛實、冷熱、疾痛、痒病、  
視之、名、聞之、聲、問之、診之、觀其所由然者、治療之  
法、亦有餘矣、彼其俗子、不知求諸此、乃營營習之、  
喋喋辨之、無慙執塵、尤顏自稱師匠、徒取媚黃口、  
致惑白俗、比賊夫人之子、而謂之濟世之術、吾知  
其固不足以齒及也、夫然求稽於公候之門、糊口



於河里之間、吾謂之爲五蠹、豈亦過刻哉、且夫素  
樞雖託言軒岐、其實成乎漢儒手、不可據者固多  
矣、然其時去古未遠、是以亦有古道存其中焉、八  
十一難、亦稍古、未可全廢也、二書之言、擇而精之、  
亦有以爲方技之一助、唯如夫運氣諸論、則於醫  
事、益有關係焉、一切廢之可也、

又曰、仲景傷寒論、以陰陽辨證治、本不<sub>過</sub>言受病淺  
深、後人不<sub>知</sub>、妄以六經爲解、牽牽傳會、遂失其本  
旨、蓋陰陽猶表裏也、有表之表、有表之裏、有裏之  
表、有裏之裏、又欲在其兩間立淺深之中、則分爲

六層而大小陰陽之明厥陰、以爲之紀耳。若以係  
六經乎、經絡乃筋肉之分、有何表裡、有何淺深、且  
十二經者、其六在手、其六在足、而論所云者、特不分  
手足、後世乃言傳足而不傳手、誤如其言乎、臟唯  
有脾肝腎、腑唯有膽胃膀胱、而膈之與心肺、何以  
在其所遺哉、凡仲景諸論間有與素難異者、不論  
五行、不分、不辨藏象、不說榮衛、可見其自爲一家  
也、且論以傷寒名者、以其最居多也、所載者不必  
止一病、自叔和編次之後、分裂無統、蓋因竝收、如  
辨脉、平脈、傷寒例、乃其尤者也、而林億等素不辨



醫事漫為膚淺之說、至使人有遺內之憾、誣亦甚矣、若夫玉函方論、則亦益甚焉、而其部級病類者、皆後人所摘取、而固非名以之舊也、往家妄意、併合名為全帙者、可謂鹵莽已、明人或終知其非、稍加刪定者、見非不卓矣、然其所解、依然宋元之故習、要之以五十步笑百步之數已、喻愈程諸子之辨、唯公入其間、至如夫本旨、則亦益遠矣、

又曰、火氣為熱、水氣為寒、固不煩辨也、後世以火熱為二物、其在藏也、曰肺火、曰肝火、曰胃火、曰命門火、曰虛火、曰痰火、曰鬱火、曰遊火、曰邪火、豈以其

煩渴者為火耶、將以其昏悶者為耶、是唯軀中之  
滯氣、沸鬱使然者、謂之熱則足矣、抑以其薰蒸者  
為火耶、將以其喜怒者為火耶、是亦造化之變態、  
激發使然者、謂之氣則備矣、亦何必須火字為哉、  
夫火之炎、唯就燥就乾、人君活血浸潤、達于四  
體、火將何由乎生、譬如草木苟有生氣者、固非火  
之可著也、况夫藏府外有血液、內有精汁、包以脂  
膜、火將何由乎著焉、然其內藏固密、能包函夫一  
氣、則溫潤有常、而無凝結洪淫之患、若其抑遏為  
變而怒踊不息、則奮迅不寧、而為煩為燥、為悶為



、毫熱、繁、出、汗、噦、噎、嘔、嗽、失、精、亡、血、皆、是、滯、氣、  
所、使、而、其、狀、實、如、不、可、撲、滅、者、也、然、一、旦、開、其、壅、  
通、其、壅、而、薰、風、卒、至、煩、熱、漸、退、則、藏、府、血、精、雖、微、  
減、耗、而、筋、骨、皮、肉、終、無、見、一、點、餘、燄、矣、是、其、非、實、  
有、火、者、可、見、已、乃、其、奮、迅、為、變、者、噦、氣、之、所、使、然、  
者、亦、何、熱、之、有、譬、如、三、伏、之、暑、烏、盪、砂、礫、金、裸、袒、  
不、可、勝、者、亦、唯、大、陽、之、氣、燄、謂、之、熱、則、可、矣、謂、之、  
火、則、不、可、也、且、夫、冬、日、雪、霜、既、繁、堅、冰、漸、厚、如、以、  
北、風、則、其、事、益、肌、骨、寒、有、不、可、耐、者、焉、而、人、在、一、  
室、之、內、窗、戶、牖、之、隙、被、衾、褥、之、厚、強、令、抑、鬱、其、氣、

則以蒸如浴、而汗亦決背矣、是豈火之所使然耶、  
亦皆一氣之薰蒸耳、是不啻人為然也、楊桃在窖、  
先時著花、麴蘖入庫、不日發、非日以曝之、非火  
以迫之、而能使之發其常者、何哉、以是一切歸火  
乎、雖五尺童子、亦必不為然也、故如疫有寒熱、亦  
唯斯氣之過不及耳、非藏府所係也、非水火所使  
也、大抵人牙之与天地、肖則肖矣、然亦有異焉者、  
大小之分、為雨、君謂天地所有人牙、亦皆異之、則  
夷狄禽獸虫魚草木、亦皆人之所有耶、故論天地  
者、固當能盡天地之有、論人事者、亦當能盡人事



之變、論人及天地、程談井及海也、可謂無用之辨  
矣、故張栻之論方、唯曰熱不曰火、唯曰津液不曰  
水、其能成一家、不為時論所惑者、吾黨所以為宗  
也、

井上金峨曰、自伊洛二公首唱復古、海內靡然嚮風、  
雖小道亦必倣之、遂有陰陽排五行、去素靈諸  
家、直諱張仲景書者、動輒曰、是非仲景之語也、夫  
素靈固出於後人、而漢儒之學、原于陰陽五行、仲  
景生於其後、烏知今所謂古學者乎、故有陰陽五  
行之說、無害其為仲景也、謂之仲景之誤、則可、謂

之後人、撻乃則不可、且易說陰陽、書載五行、六氣  
見於左氏、豈與先天後天、理氣體用、無誓之說同  
乎、唯其於治病、無則置而不言、固其所已、至其謂  
之復古、則既無徵於前、後何所復之有、峨嵋言、此  
低東洞先生、甚矣、金我之、無忌憚也、清得而辨之、  
夫金峨論醫、未嘗學其術、未嘗履其實、欲以口說  
壓人、不亦過乎、凡百之道、知之易、得之難、雖然、其  
實言之、微難矣何也、學而知之、知而行之、行而得  
之、得而後言之、其唯得而後言之、故其言也信矣、  
難乎其言之、孔子曰、乞其其事而後從之、又曰、君



子於其所不悉、蓋闕以爲、又曰、行之難矣、言之得  
無訛乎、今未學其道、未行其事、而嘖嘖論之、訖々  
辨之、金峨豈得無非軀門之罪人乎、夫周易之陰  
陽、洪範之五行、是天地成務之道、利用厚生之教、  
固非爲醫事矣也、素樞之書、欲假重於神聖、取信  
于後世、故高論陰陽五行之理、專說幽明之故、死  
生之變、以誇耀吾道、其言巧而似乎是、其事違而  
戾乎實、先生所以排陰陽五行去素灵諸家者、蓋  
以此也已、而魏晉唐宋以至元明、凡醫家之所言、  
要萬口一談、無能出其樊籠者、獨先生開大活眼、

立大議論、攘斥陰陽五行神虛益氣之浮說、張皇  
仲景氏攻邪伐毒之實學、先生之深量遠識、豈曲  
學陋儒之所能窺知、多兄其不知量也、

後漢桓帝元嘉元年、詔舉獨行之士、涿郡崔寔、至公  
車不對策而退、著政論、其略曰、昔孔子作春秋、褒  
齊桓懿晉文、歎管仲之功、夫豈不美文武之道哉、  
誠達救敝之理也、故聖人能與世推移、而俗士若  
不知變、以為結繩之約、可復強亂秦之緒、干戚之  
舞、且以解子城之圍、夫然、往鳥仲雖延禮之鄉、非  
傷寒之理、呼吸吐納、虽度紀之道、非統骨之膏、蓋



為治之法、有似強弱、平則致養、疾則攻焉、夫刑罰者、治亂之藥石也、德教者、興平之梁肉也、夫以德教除亂、是以梁肉強疾也、以刑罰強平、是以藥石供養也、富哉言也、苟與臧孫伍、負之言為鼎足之論焉、崔寔與仲景同漢末人、其言亦若出于一口、可謂奇矣、蓋其時去古未遠、微言奧義、有尚存焉者、按傷寒之名、早見于焦氏易林、其在歷史、始於熊經鳥伸、見于莊子刻意篇、淮南精神訓、又後漢書華佗傳、有熊經鳥顧之語、

蘇子瞻曰、並能醫病、不能養人、食能養人、不能醫病、

信乎言也、夫攻疾以毒藥、養精以穀肉果菜、是古  
之法言、雖有素者、誰得易之、而葛陶以來達此義  
者、寥寥乎無聞也、如蘇公此論、所希觀可不敬乎、  
縣周南曰、養生之說、本不与医相關也、医者聚毒藥  
而愈疾、周礼所載可觀矣、經傳諸子、間有言及医  
者、未聞有這道者、編素問者、欲厚其本、始引道家  
之言、撰入焉、葛稚川陶隱居其人元喜黃老、始隆  
養生之說、養生者本於老莊、一一殊撰一般道理、  
欲托此而保生命於乱世、山林隱逸之道也、非所  
以施於人間也、魏鳴起子、為喜、在朝在野、日不



給矣、何暇得恬澹虛無、吹噓呼吸邪、雖然多病者、  
得其說、而有所取舍、亦或有裨益、不可一概排斥、  
東洞先生曰、藥者字本偏性者也、偏性之氣、皆有毒、  
以此毒除彼毒耳、周禮曰、聚毒藥以供醫事、又曰、  
以吾毒攻之、左傳曰、義疾弗如惡石、古語曰、毒藥  
苦口利於病、內經曰、毒藥攻邪、古者以藥為毒、可  
以知己、後世自道家之說、混于疾醫、以藥為神氣  
養生之物、不知其為逐邪驅病之設也、可謂失其  
本矣、甚則至有延齡七年還少不死等之說、庸愚  
信之、煇煉服食、以誤其刃者多矣、悲夫、

予嘗就儒門章親抄出其立論確實者數十篇就中  
拔其尤切于事實者五篇以爲晚色之標準嗚呼  
子味氏以英邁之資卓然唱三法於垂絕之世可  
謂千古大豪矣

張戴人曰夫養生尚論食神治病尚論藥攻然聽者  
皆逆耳以余言爲怪蓋議者嘗知補之爲利而不  
知補之爲害也余用補法則不然取其氣之偏勝  
者其不勝者自平矣醫之道損有餘乃所以補其  
不足也余雖用補未嘗不以攻柔居其先何也蓋  
邪未去而不可言補之則適足資寇故病蠲之



後莫若以五穀養之、五果助之、五畜益之、五菜充之、有旨哉、其言之也、

又曰、人身不過表裏、氣血不過虛實、表實者、裡必虛、裡實者、表必虛、經實者、絡必虛、絡實者、經必虛、病之常也、良工之治病也、先治其實、後治其虛、亦有不治其虛、而粗工之治病、或治其虛、或治其實、有時而幸中、有時而不中、謬工之治病、實者虛之、其誤人之跡常著、故可得而罪也、惟庸工之治病、純補其虛、不敢治其實、舉世皆曰、平秘誤人、而不見其蹟、渠亦自不敢省其過、雖終老而不悔、且曰、吾

用補藥也、何罪焉、病人亦曰、彼以補藥補我、彼何  
罪焉、臨死而亦不知覺、夫粗工之與謬工、非不誤  
人、惟庸工誤人最深、如鯨涇洪水、知五行之道、夫  
補者人之所喜也、攻者人之所惡也、医者與其逆  
病人之心而用藥、不若順病人之心以獲利也、豈  
復計病者之死生乎、嗚呼、世多真寔、誰能別之、余  
今著此汗吐下三法之詮、所以該治病之法也、庶  
幾來者有所憑藉耳、夫病之一物、非人又素有之  
也、或自外而入、或由內而生、皆邪氣也、邪氣加諸  
身、速攻之可也、速去之可也、挽而留之可也、雖愚



夫愚婦、皆知其不可也、及其聞攻則不悅、聞補則  
棄之、今之医者曰、當先固其元氣、之、實邪自去、  
世間如此妄人、何其多也、夫邪之中人、輕則傳久、  
而自盡、頗甚則傳久而體已、更甚則暴死、若先論  
固其元氣、以補劑補之、真氣未勝而邪交馳、橫發  
而不可制矣、今余論汗吐下三法、先論攻其邪、  
去而元氣自復也、況余之所論之法、截練日久、至  
精至熟、有得無失、所以敢為未者言也、諸風寒之  
邪、結搏皮膚之間、伏藏絡經之中、留而不去、或發  
疼痛、或淫麻痺、不仁及四肢腫痺拘攣、可汗而出、

凡疾宿食、在膈或上沅、可湧而出之、寒濕困冷、熱  
客下焦、在下之病、可泄而出之、乃知聖人止有三  
法、無第四法也、然則聖人不言補乎、曰蓋汗吐下  
以若草木治病者也、補者以穀肉果菜、糝口體者  
也、夫穀肉果菜之屬、於君之德教也、汗吐下之屬、  
於君之刑罰也、故曰德教興乎之梁肉、刑罰治亂  
之菜石、若人無疾、梁肉而已、及其有病者、先誅伐  
有過、病之去也、梁肉補之、如世已治矣、刑措而不  
用、豈可菜石為補哉、必欲去大病、大療、非汗吐下  
未由也已、



又曰、下之攻病、人亦所惡聞也、然積聚陳莖于中、留  
結寒熱于內、留之則是邪、逐之則是耶、內經一書  
惟以氣血流通為貴、世俗庸工惟以閉塞為貴、又  
止知下之為瀉、又豈知內經之所謂下者、乃所謂  
補也、陳莖去而腸胃禦、癰癥盡而榮衛昌、不補之  
中、有真補存焉、然俗不信下之為補者、蓋庸工妄  
投下藥、為寒反熱、為熱反寒、未見微功、轉成大害、  
使聰明之士、亦復不信者、此也、余嘗以大棗氣湯、  
改作調中湯、加以姜枣煎之、俗見姜枣、以為補脾  
胃而喜服、不知其中有大黃芒硝也、惡寒喜暖、死

補自古至今天下皆然、此內經之法、抑屈而不伸  
者也、此藥治中滿痞氣不大便者、下五七行、殊不  
困乏、次日必神清氣快、膈空食急、內經曰、脾爲之  
使、胃爲之市、人之食飲、酸鹹甘苦、百種之味、雜湊  
于此、壅而不外、蕩其舊而新之、亦脾胃之所望也、  
況中州之人、食雜而不勞者、予中州之醫、不若掃  
除倉廩、使陳莖積而不能去也、程曰、我善補、大罪  
也、此藥有奇功、皆謂服之便成傷害、乃好丹而非  
素者也、或言男子不可久瀉、婦人不可久吐、何妄  
論之甚也、可吐則吐、可下則下、豈問男女乎、若大



積大聚大病、大秘、大涸、大堅、下榮乃補榮也、余嘗  
曰、鴻法兼補法、良以此夫、

又曰、夫一才一玉也、必尋邑百萬圍昆陽、此五實  
證也、故蕭王親犯中原而篤戰、如河內飢而又經  
火災、此五虛証也、故汲黯不避矯詔而發倉廩、此  
可與達權知變者論、不可與貪常嗜瑣者說也、故  
曰、庸人誤天下、庸工誤病人、正一理也、

又曰、我方攻病、豈欲常服哉、疾去則止、若果欲養  
元氣、五穀、五肉、五菜、非上茶耶、亦安在枯子、死木  
之根、萎哉、

紀曉嵐曰、張從政宗河間劉守真、用藥多寒涼、其汗  
吐下三法、當時已多異議、故書中辨滂之藥為多、  
丹溪朱震亨亦微其偏、後人遂并其書置之、然病  
情萬狀、各有所宜、當攻不攻、與當補不補、厥弊維  
均、偏執其法、固非、竟斥其法、亦非也、惟中間負氣  
求勝、不免過激、欲矯庸醫恃補之失、或至過直、又  
傳其學者、不知察脈虛寒、論病久漸、概以峻利施  
治、遂致為世所藉口、要之未明從正本意耳、余謂  
從正負氣求勝、故其議論不免過激過直、然三千  
古未曾有之言、以別開生面者、宇宙間能有幾、孫



一奎曰、戴人不為以攻擊衆議、斯言信矣、

丹波元簡曰、初學診脈之際、心以為弦、則如弦、既又  
以為緊、則如緊、除浮沉小大滑濇等之外、皆為兩、  
譬之靜坐、聞鸛鶴聲、心認脫布袴而聽之、則莫聞、  
而不脫布袴、認德不孤而聽之、則莫聞、而不德不  
孤、蓋心預有所期也、此言實為世醫之針炳矣、蓋  
今之言脈者、雖稱左手宿匠者、尚恐未免於弊也、  
豈特初學而已乎哉、

縣周南曰、臟腑之不可究論、形造化之不可窺測矣、  
如五臟配五氣、五氣論心肺、若中黃以徵、脾土、筋青、

以徵肝木、較爲近焉。然歟中黑、禽矢白、鼻骨有白、  
有青、凡羽毛鱗爪之<sup>光</sup>、彩色澤、豈皆究其理而得  
其說乎、大抵造化之妙、非人智之所知、矧宇宙之  
不可測識、古人大概立教、目以爲標識而已、得筌  
爲魚者、安知其真邪、

東洞先生曰、周禮曰、參之以九藏之秘、而不分腑也、  
仲景未嘗論矣、蓋益於治病也、傷寒論中適有之、  
然非仲景之口氣、疑後人捲入也、夫漢以<sup>後</sup>陰以五  
行配之、以相克推病、且曰腎有二、曰臟五而腑六、  
曰臟六而腑五、曰有命門、有心包、有三焦、其說弗



啻堅白、要皆非治疾之用矣、

縣折莊曰、五臟之目、曰心、曰肺、曰脾、曰腎、曰肝、醫家  
槩以為正、而月令玄經亦授焉、但其五味五形所  
主、校之管子、則有徑庭、固非一定說、文子、淮南子、  
則以膽為臟、乃云心為主、後世亦有據此說者、  
烏、唯人習聞素樞之言、故不復措之齒牙、以余觀  
之二子之言、稍近于理矣、

又曰、九臟之目、鄭玄、韋昭、其說指掌、蓋古者無分藏  
府、人才中所有、其中亦皆有所藏者、直謂為臟耳、  
至有五藏六府之說、遂分為陰陽、為清濁、為先天

後天之象焉、而九臟之言亦有不可廢者、於是旁  
及外形、以耳目鼻口充其數、素問所謂神藏五、形  
藏四、是也、夫臟以有所藏、故謂之藏、而以七竅充  
之、固非其可也、而亦云眼五臟、萃之、其它孔竅皆  
肉系之五臟、其言之多、既緒、而矛盾相乖者如此、  
且也、周孔云、西之以九竅、參之以九臟者、若以耳  
目為臟乎、何須更曰九臟、後人不能讀古書、妄襲  
燕石、不辨真贋者、數亦如此、其不取笑於周人、可  
謂幸已、

又曰、古人往往傳者、專有相傳之孔、其餘則刊詁而



已、聖人亦於其所不知者、蓋闕如也、無它所忌於  
智者、為其鑿也、後世不然、剔之扶之、不獲不置、格  
物窮理之教、宋元為已甚矣、其臣家亦尚焉、凡素樞  
八十一難、以至脉經本草病論方書之言、字之句  
之、皆要有理、牽強附會、從橫運心、乃至於損益原  
文以達其意、非誣則妄、使岐軒越人復起、必將先  
訴其冤焉、古語有之曰、使藏府能言、醫師色如土、  
看人既為然、而今也風波之人、縱令土也可得入、  
亦曷所免罪耶、窮理之弊、噫亦至于是哉、

東洞先生曰、世之好言理者、必為推事窮、至其所不

通鑿以誣之、蓋理本非可惡者也、惡其鑿焉耳、故  
雖口能說百病之理、而難其作者、為其鑿也、夫理  
無定準、疾有定證、豈可以無定準之理、臨有定證  
之疾哉、故吾黨論其已然者、不論未然者、又不論  
其所以然者、蓋事理相依、不離者也、故事為而得  
之、理默而識之、

又曰、醫意之說一出、而世之狡兇、以為口實、曰、醫之  
道、唯意以推之、何必讀書受業、而後為之邪、吁、妄  
哉、陋哉、豈可与言道哉、蓋醫之為道、自有一定法、  
何鑿拙妄行之為、其如是也、不由規矩以擬方圓、



不用繩墨而置曲直豈得不差乎學者思道

後漢郭玉和帝時為大醫<sup>丞</sup>多有効應性仁愛不矜

雖貧賤厮養必尽心力而醫療曰醫之為言意也  
腠理至微隨氣周巧臧石之間毫毛即年神存於  
心手之際可得解而不可得言也又唐許胤宗善  
醫或勸其著書荅曰醫者意也思慮精則得之吾  
意之所解口不能宣脉之妙處不可虛傳著方劑  
終無益自是以降人皆以二象之言為醫術之要  
旨初輒曰醫者意也何必讀書受業之為殊不知  
郭玉語鍼灸胤宗談脉理矣近來梅脩周漢之方

法者、或亦奉其言、豈不左乎、夫醫之為術也、死生  
係焉、至理存焉、苟用意不精、何以為醫、然有道有  
法、豈特意而已、若不率先賢之道術、不由古哲之  
方法、特任心意、逞臆想、以差病、幾何其不殘生靈  
者、王仲仕曰、昔者子路使子羔為費宰、孔子曰、賊  
夫人之子、皆以未學不見大道也、醫多方術、云吾  
能治疾、問之何用治病、曰以心意、病者必不信也、  
吏無經學、曰吾能治民、問之何用治民、曰以材能、  
是醫多方術、以心意治病、百姓安肯信嚮、而人君  
任用使之乎、因是觀之、醫之言心意、未必叙于郭



王也、而其妄自可知矣、

凡意之要事業、六藝兵法以至瑣細小技、非心意思慮何以能成之乎、雖然其事各有道而傳焉、其業各有法而存焉、是故不遵其道、不履其法、直任一己之意、能成其業者、未之有也、醫學亦然、苟欲精其技術、尚由古訓以修之、修之而得諸已、則意生乎其、中矣、是聖賢所以執物而垂教也、故事不由古訓、而其不落恣意妄臆者、我希矣、孔子曰、思而不學則殆、又曰、不如學也、學者可不深思乎、

世醫篤信子華子、醫者理也、理者意也、之說、余獨疑

其不似古言、何者、以諸曰天者理也、心者理也、道  
者理也、礼者理也、宋儒所家談戶說也、子華子亦  
好言理、以對道對情對義對事、遂至謂匠者理也  
理者意也、不亦贅乎、其文雖頗模擬古樸、決非周  
代之筆、并子政序、僂估無疑、其成于趙宋也、斷乎  
明矣、從年侍綾游先生、与社友評隲諸子、論及子  
華子、異兄蠡起、褒議鼎沸、弗終無定決、余舉所嘗持  
論質諸先生、先生曰、汝言是、子華子、全公宋人、說  
托、故彼邦有識之士、皆唾棄不取、特遭二十九子  
品彙中、為叔錄、所謂不幸而偽者、而陋儒奉之、為



道德存養之主要、庸医信以為撰生治療之奧旨、  
勃輒曰、医者強也、強者意也、豈非為野狐禪所魅  
者邪、滿坐赧然、後得古今偽書考、讀之、益喜鄙說  
之不愆、而先生之言有明徵也、因記于此、陳直齋  
曰、考前世史志及諸家書目、並無此書、蓋依托也、  
家語有孔子遇程子似蓋之事、而莊子亦載子華  
子兄昭僖候、昭僖與孔子不同時、莊子固寓言而  
家語亦未可考信、當出近世能言之流、為此以玩  
世耳、周氏海筆曰、子華子所著劉向序者、文字淺  
陋、不類向、晁子止曰、多用王氏字說、謬誤淺陋、殆

元豐以後舉子所為耳、胡元瑞曰、此必宋人、雖程  
名本者、所為、先儒所論、蓋如斯、嗚呼、寶鑑高懸、妖  
魔無所逃形、豈不痛快乎、古人有言曰、為醫者在  
讀醫書、讀而不能為醫者、有矣、未有不讀而能為  
醫者也、豈特醫書之誦已云乎、

孫子邈曰、凡小兒始生、肌膚未成、不可暖衣、  
令筋骨緩弱、宜時見風日、若都不見風日、則令肌  
膚脆軟、便中傷、皆由以故、絮衣之、勿用新綿也、凡  
天和暖、無風之時、令母將兒於日中嬉戲、教兒見  
日、則血氣剛、肌肉牢密、堪耐風寒、不致疾病、若



常藏在帟幪之中、重衣溫暖、譬如陰地之草木不  
見風日、晚輒不堪風寒也、

又曰、小兒不能哺乳、當與四味紫丸下之、小兒胎生、  
氣尚盛、但有微惡、則須下之、必無所損、及其愈、  
病則致深益、若不下、則成大病、成則難治矣、  
凡下四味紫丸最善、雖下不損人、豈以去疾、又曰、  
小兒冬月下無所畏、夏月下難愈、然有病者、不可  
不下、

楊士瀛曰、凡脈風撮口、肝風撮口、鎖肚、嘔口、齧腸、撮  
口、卵疝、撮口、皆出鬱結于腸胃、閉不得通腹中滿

脹、肚上青筋、撮口不乳、症候甚急、用紫圓子利之、  
終通、疾去、兒和、用者敬信而已、

陳復正曰、小兒受驚、<sup>熱</sup>不鮮、并挾傷寒、溫壯、汗後熱  
不歇、及腹中有痰癖、哺乳不化、則吐乳、食痢、先寧  
後熱、以紫圓下之、

王頊曰、名臣云、小兒哺乳不化、化為痰癖、痰滿則搐、  
日久為癇、慎勿以驚藥投之、宜每日隨兒大小、以  
紫圓与之、一以消乳食、使痰氣隨下、其症自然磨  
退、良妙、此藥固是小兒之妙藥、余以此治大人、因  
涕吐症、極効、又一切痢疾、亦先服數十圓、然後治、



痢、尤切齒、

張戴人曰、小兒初生之時、腸胃綿脆、易飢易飽、易虛  
易寒、易寒易熱、又曰、今之人養穉子、尚正夏時、以  
綿絨裹、雖日不下懷、人氣相薰、兒天稍寒、即封閉  
密室、~~雖~~下幕、煖炕、紅爐、使微寒不入、大煖不泄、  
雖衰老之人、尚不可況純陽之小兒乎、君子尚  
屋密室、亦不當如此之大煖也、王符潜夫論曰、嬰  
兒之病、起傷於飽也、今人養穉子、不察腸胃所容  
幾何、但聞一聲哭、將謂飢餓、急以灌乳納之、兒口  
豈復知量、不吐不已、及稍能食、應口輒與、夫小兒

秘生別無伎倆、惟能號泣為強良耳、此二者、乃百  
病之源也、嗚呼五子之論、實可謂育幼之善法也  
矣、

東洞先生曰、秘產之法、務去胎毒為主、且不早此乳  
可也、二三日為度、若早些之、其毒難去、如朱密茨  
苓五香等、何毒之逐、不利而可、至其有秘者、莫令  
綿延、須急攻之、今人動輒謂人之稟性、古今自有  
厚薄、今也薄矣、故不勝攻擊也、宜補之、惡是何言  
哉、夫人者、與天地參焉、天不裂地、地不壞、何唯人之  
異哉、雖草木亦然、以今之柔、攻今之疾、何畏怖之



有、

又曰痘疹之證、古藉不概見焉、東漢初始有之、本邦  
則 聖武帝時云、蓋天地人物、無古今一也、豈  
古有之者、無于今、今有之者、無于古哉、意者自古  
有之、不傳其名已、其為病也、與些癰瘍無異矣、治  
法亦以除毒排膿為主、如補瀉二法、則不知者之  
所立耳、蓋兄毒酷而死者也、未兄毒尽而斃者也、  
其斃者、酷毒壅塞之所致也、醫其詳諸  
痘疹之為脈毒、其論尚矣、以其生涯一患、無再染、謂  
機毒為疫氣、所鼓動而發者、理或然也、唯其於治

方以隨脉證、為矩矱、胎毒之與否、非所拘也、順痘  
平痘、無疾苦者、唯調攝可、若逆痘、難痘、苛毒、為虛  
者、安危係乎吸呼、死生判乎胸臆、非峻劇之劑、難  
共爭鋒也、且自初熱、而兄標、而起壯、漢漿其逐次  
之手、候機變之、應制、自非敏達之士、難乎其能之  
也、

嬰孩之諸患、係蛔蟲多矣、蓋以平日飽暖過度、且偏  
食甘脆、蛔之所以生也、如吐瀉腹痛、驚癇、疳癰、痘  
瘡等、多為蛔蟲所擾亂、以致危劇者、但其證候雖  
變、如百端、比之大人、輕易診得耳、



蛔之为虫、自名蚘而論矣、蓋喜啖甘脆膏粱腥羶、或  
耽麪糜、是以膈胃鬱蒸、蛔之所由生也、其為症多  
面色痿黃、惡心吐沫、心腹刺痛、以為移氣、或惡聞  
食食臭、或吐清水、或咽喉如有炙膏、脉結澹、若緊  
細者、又小兒間有好啖土炭茶蔞等者、是其候而  
易知者也、又傷寒心煩懊憹、厥逆筋惕嘔噦、及痢  
疾嘔逆不食、霍亂腹痛厥冷、黃胖嘈嘔、反胃痞悶、  
勞瘵吐涎、妊娠惡阻、胎產血暈嘔逆、尋常勞心煩大  
病後、鬱悶不能眠、或平素心下妨悶、項背強急者、  
或每寐齏噓等、挾蛔虫者、多矣、諸如此證、診候

不精到、何以得其情狀而救之乎、嗚呼、吾道之要  
妙、談何容易、學者且研精、

古來治蛔之方多矣、然其所用、粉錫、烏梅、蜀椒、苦楝、  
莢、美、巴豆、輕粉、乾漆、雄黃、使君子、蘆薈、雀鼠、雷丸  
之類耳、未見用鵝胡菜者、諸家本草亦并不載之、  
東璧綱目、稱博採、尚且不收、獨何喬遠、閩書、卷百  
五十、南產志、部中、始載之、乃知此物唯生于南海、  
而它處不產之、是以世之知之者、邇而且少也、我  
邦自古、爲去胎毒治蛔虫要藥也、夫蛔之爲患、比  
之古、爲尤甚、而鵝胡菜之効、非它藥所能及也、嗚



呼天之生物而利人、無所不至、豈不奇乎、

生產者、婦人之常、故如平產、順晚、惟保護以任其自  
然、不柔而可也、若夫、橫逆險難、及有疾病者、有死  
生迅速、不旋踵者、苟非究手術之委曲、審藥劑之  
處置、以為之治、不能起死回生也、是故產蓐之術、  
醫家尤當講究熟鍊焉、

治驗之錄、淳于意為之編、矣、焉、蓋詔問之、不可辭、於  
義亦無不可也、今也庸凡陋劣之徒、偶然自居、玉  
手之列、叨弄虛文、以用耀其術、救急、洩癆、銜口而  
發、醜婦做顰、不知受大方之謬笑也、余覽獨嘯庵

漫搃難記、每了記失、鑿誤治之過、可謂淳乎君子  
矣、近世之医、殊多誇濫、絕不見此等之人、

橘黃鑿談卷上 畢



時天之生也而利之無不其至也

生靈其歸之也若夫後世險難及有

無不其而可也若夫後世險難及有

生靈其歸之也若夫後世險難及有

無不其而可也若夫後世險難及有

生靈其歸之也若夫後世險難及有

無不其而可也若夫後世險難及有

生靈其歸之也若夫後世險難及有

無不其而可也若夫後世險難及有

生靈其歸之也若夫後世險難及有

無不其而可也若夫後世險難及有

生靈其歸之也若夫後世險難及有

MS B 808 v. 1



